

四庫全書

史部

欽定四庫全書

史部

欽定大清會典則例卷一百五十四

詳校官檢討臣劉 妍

編修臣程嘉謨覆勘

總校官原任中允臣王燕緒

校對官中書臣袁文邵

謄錄監生臣康 傑

欽定四庫全書

欽定大清會典則例卷一百四

兵部

武選清吏司

職制二

一直省武職開列康熙三年題準直省提督員
闕以八旗副都統見任總兵官論俸開列總兵
官員闕以八旗叅領見任副將論俸開列如一

員闕內外輪推二員闕內外各推一人均將俸深十人列名具題請

旨補授副將員闕將應升副將之人通行較俸推升
○五十一年奉

旨提督員闕以副都統開列具題總兵官按年分繕摺進呈總兵官員闕以叅領開列具題副將按年分繕摺進呈
○雍正四年覆準副將員闕停具在部推升將俸深叅將十人並應補副將之人文到部者

一并開列具題再將俸淺叅將內有軍功保舉者不論多寡別繕名單隨本進呈○六年奉

旨副將員闕將本省見任叅將一并開列具奏○八年議準福建臺灣水師營副將俸滿之日該督提察覈題報遇有水師總兵官員闕於開列本內將俸滿之處聲明○十年議準服滿候補副將人文到部遇有員闕指名題請補授竝奉

旨後引

見○乾隆三年奉

旨各省總兵官副將員闕於具題補授之時或繫水師或繫陸路均於開列本內聲明其別摺開列之副將叅將或見繫水師或見繫陸路亦於摺內聲明○六年奏準提督員闕將八旗漢軍副都統論俸開列十人具題總兵官按年分繕摺隨本進呈總兵官員闕或繫水師或繫陸路本內聲明將八旗漢軍叅領論俸開列十人副將分別水

師陸路按年分繕摺並將記名副將繕摺隨本
進呈副將員闕將記名叅將繕摺隨本進呈如
副將叅將內有俸滿議敘應升即用者均於摺
內聲明○二十二年

諭各省提鎮皆有專閫之責履任三年已滿自應請
旨陞見朕得隨時察看以別賢否向來未經定有
成例或有間越數年不行奏請入覲者殊非慎重
職守之意嗣後各提鎮著照藩臬之例三年已滿

奏請陞見如未允準次年仍具摺請旨其踰期不行陳請者該部即察明具奏欽此

一銓選順治十一年題準職方司每兩月一選
武選司每三月一選○康熙元年題準兩司選
期均改雙月由部會同科道掣籤○又題準見
任推升武官由部會同科道代為掣籤選補各
官悉令親掣○七年題準停止會同科道掣籤
○十一年題準候選營衛各官均於單月初一

日投供初三日過堂照文到先後於雙月二十
五日掣籤如掣籤不到者以規避提叅革職有
衰老病廢者於過堂時驗明勒令原品休致○
又議準每月截闕以二十日為限二十日以内
員闕到部者入於本月推選二十一日以後到
部者歸於下月推選其由部議處以降革具題
開闕者每月十二日以内到部於十七日以内
具題入本月推選十三日以後到部歸下月推

選○又議準督撫提鎮糾叅貪酷各官或應革職提問或應解任聽勘及奉

旨提解來京並別部提解質對此省之官有應發往彼省質審訊問者皆開闕歸於月分將應用之人銓選若本省所屬各官有質審訊問情節者不行開闕○又議準營衛守備以下微員遇有老病請休及告假等項事故咨文到部之日即行開闕於半月彙題○又題準單月叅將員闕

將小銜叅將署叅將銜以下守備大銜游擊都督

銜以下游擊銜以上管游擊事者通共較俸升用游擊員闕將

小銜游擊署游擊銜以下署守備大銜小銜都

司都督銜以下署守備大銜守備都督銜以下

上管守備事者通共較俸升用都司員闕先將藍翎侍

衛擬補一人一年止用五人如並無都司止有

闕先擬補藍翎侍衛合都司守備每年止用五人其餘員闕繫正月七

月分將加都司銜之門衛千總奉

旨以營員用者升用繫三月五月九月十一月分以

營衛守備較俸升用守備員闕繫正月七月分

將門衛千總並加署都司銜守備銜署守備銜

之門衛千總以營員用者升用繫三月五月九

月十一月分將見任千把總捐升守備及門衛

千總應升營守備者共為一班捐升用二人之

後次用應升者一人

為升班一

見任千把總之功加

應用守備考驗一等者用一人

為功班一

營衛署守

備銜管守備者用五人為小銜守備班五分發各省題

補之千總用一人為分發千總班一巡捕營當差千總

用一人為當差千總班一○又題準雙月叅將游擊都

司員闕繫二月分以叅將游擊之闕用一等二

等侍衛叅將游擊並有員闕先用叅將每年止用一人繫四月

六月八月分以游擊都司之闕用三等侍衛游擊

都司並有員闕先用游擊每年止用三人均按月行文領侍

衛內大臣鑾儀衛將行走已滿三年簡選二三

人出具考語送部引

見恭候

簡用守備員闕以開復降調捐還三項相間輪用一

人

為還班一

武進士用二人

為科班二

年滿保送千總注

冊候推者用二人

為委班二

澎臺俸滿千總與難廕

守備以營用者相間輪用一人

為劄班一

無職任之

功加應用守備考驗一等者用一人

為功班一

効勞

期滿以營用者用一人

為勞班一

候補候選守備捐

即用者用一人為捐班一武進士充補提塘年滿者

用一人為効力班一分發各省題補之千總用一人

為分發千總班一巡捕營當差千總用一人為當差千總班一

廕生改武以營用者用一人為廕生改武班一○又議

準銓選次序如小銜守備門衛千總均按食俸

之先後用開復降調捐還各官各按緣事開復

還職日期先後用注冊千總澎臺千總均按引

見日期先後用如同日引

見將俸滿日期在前者用巡捕營當差千總按步軍
統領咨送名次先後用分發千總按分發先後
用如同日分發將俸滿在前者用○又議準應
選之武舉武進士取本籍地方官印文申送督
撫給咨赴部候選其會試下第武舉本年内具
呈者照本籍起送會試文書並部給執照準入
冊投供候選次年具呈不準營衛裁汰還職降
調並完糧給劄及完糧開復各官或由見任督

撫或由原籍督撫給咨赴部年滿千總及功加各官由該省總督給咨赴部如無總督者由提督申送赴部無提督者由總兵官申送赴部若屬將軍巡撫標下者由將軍巡撫給咨赴部均照各省定限赴部投供聽候選補○又題準地方失事督撫提鎮題叅疎防各官以揭帖到部停其升轉如無揭帖者以科鈔到部停其升轉如輪推已經掣籤尚未具題有以地方失事題

參奉

旨到部者即行扣除督撫提鎮特疏糾參各官亦以揭帖到部即停升轉如無揭帖者以科鈔到部停其升轉其提問拘問者不候事結即停升轉若督撫提鎮題參因公呈誤之案議覆未結及科道糾參或被人訐告等事議覆未結遇有升轉不停○雍正元年議準候選營衛各官於掣籤後考驗人材弓馬如庸劣不堪者奏請革退

其衛所各官內祖父有拖欠錢糧者扣除不用
俟錢糧完日再補○三年議準各官選用升用
之後如督撫提鎮將前官題留原任或別題補
有人其選升之人未經引

見奉

旨者仍歸原班即用其選用已經引

見升用業已奉

旨尚未給劄及給劄尚未赴任者不入班次雙單月

遇闕即用若有情願赴該省候闕者仍令前往
遇有員闕該督撫提鎮即行題請補授其已經
給劄赴任無任可到者各留該省遇闕即行題
請補授若無應得之闕暫令署事竝有員闕即
行題請補授如該省出有應歸月選之闕由部
即行奏請補授○又奏準功加應用游擊都司
者歸於雙月用應用守備者雙月單月皆立一
班雙月用無職任効力應用守備之功加單月

用外委及見任千把總應用守備之功加其應

用都司之功加準以都司守備兩項兼補○八

年議準應升叅將各官如繫大銜游擊

都督銜以下游

擊銜以上管游擊事者升叅將者令赴叅將任若繫小銜

游擊

叅將銜以下署守備銜以上管叅將事者

應升銜者加銜一等

留原任一次其員闕以接次應升之大銜游擊

並升銜留任一次應行調任之小銜叅將升用

如接次無應升之大銜游擊並應行調任之小

銜叅將即將升銜之小銜叅將亦令赴新任應

升游擊各官如繫都司及大銜守備

都督銜以下署都司

銜以上管守備事者升游擊者令赴游擊任若繫小銜游

擊

署游擊銜以下署守備銜以上管游擊事者

應升銜者加銜一等

留原任一次其員闕以接次應升之都司及大

銜守備並升銜留任一次應行調任之小銜游

擊升用如接次無應升之都司及大銜守備並

應行調任之小銜游擊即將升銜之小銜游擊

亦令赴新任○又議準卓異官引

見奉

旨準其注册者歸入二月四月六月十月分以應升
之官即用升任後將卓異注銷○十年奉

旨武職引見扣除者照吏部例將應否一體掣籤之處
於月選前請旨○又議準武職各官裁汰赴部候補
者按人文到部日期先後無論雙單月不入班
次遇闕即用○十二年議準部推小銜叅將小

銜游擊初次升銜者均加銜一等留原任一次
其員闕以接次應升之大銜游擊及都司並大
銜守備升用今武職各官既迴避本省論俸推
升時如遇籍隸本省之小銜叅將小銜游擊雖
繫初次推升例應留任一次者不必仍留原任
即加銜一等令赴新任○乾隆元年奏準發回
原任千總各督撫提鎮或因題闕多用豫保人
員或因題闕無多遂礙難保題此項千總既經

督撫提鎮保送乃因發回原任致令壅滯似未
平允應令各該督撫提鎮詳加考驗如人材壯
健技藝優嫻堪膺題補而實無關可題者出具
考語造冊送部將見在選隨營候推千總之二
委班內分一班選發回原任之千總照奉

旨發回先後挨次用竣此項千總用完仍用隨營候
推千總○又奏準各省保送水師千總授為藍
翎侍衛原以備用水師各官但並無水師可用

之闕以致守候無期按定例每年單月陸路都
司守備員闕先用藍翎侍衛一人一年止用五
人請將備用水師之藍翎侍衛遇有部推內河
水師都司守備員闕行文領侍衛內大臣簡選
二三人出具考語送部引

見恭候

簡用○二年奏準四等侍衛與藍翎侍衛品級相同
無庸別立班次歸入藍翎侍衛班內一例簡選

送部引

見恭候

簡用○五年奏準候選武進士有情願分發各省隨
營學習者以五年為滿果弓馬嫻熟諳練營伍
準以守備題補如未滿五年已屆銓選之期或
因弓馬稍次經督撫造冊送部銓選於原定二
科班內以一班選用在部投供簡選一等二等
武進士按其簡選年分等第名次先後以一班

選用分發各省武進士按其科分名次先後如
分發各省武進士無人所有一班統歸在部投
供武進士選用○又奏準功加考驗一等應用
游擊都司者入於雙月推用應用守備者入於
雙月單月輪班用其候補游擊情願告降者亦
準以守備用均按引

見日期先後用如同日引

見見任千把按食俸之先後用無職任効用者按食

糧之先後用○又奏準營衛各官奉

旨即用者無論雙單月不入班次即用其奉

旨補用各官內如守備守禦所千總衛千總有班可

歸者仍歸本班用若無班可歸者均入於雙月

分以奉

旨之日起積算用五人後用一人如有同日奉

旨者在部公同掣籤先用一人其餘再加算五人後

用一人至奉

旨以何省補用者遇該省有闕即先準補用○六年
奏準雙單月升選叅游都守等官彙為一疏具
題○又奏準科道糾叅或有不實被人訐告或
有挾嫌雖議覆未結均不停升轉若督撫提鎮
題叅因公呈誤之案處分降級革職罰俸不等
雖議覆未結亦停升轉○七年奏準雙月選用
營守備之武進士原有二班以一班選在部投
供簡選一二等武進士以一班選用分發各省

武進士如分發各省武進士無人所有二班統
歸在部投供武進士選用今分發武進士未經
選用者人數尚少不致壅滯惟簡選一二等之
武進士未經選用者人數甚多約計一年之內
僅用三四人未免壅滯按雙單月選營守備班
內均有功加一項久無在部投供應選之人遇
輪班選用之時每以無人過班嗣後在部投供
武進士除雙月原班仍照例選用外其雙單月

輪用功加之時若無應用之人即將在部投供
之武進士選用○八年奏準武職各官有因父
母年老告請歸養者終養後赴部候補無論雙
單月不入班次即用○又奏準候選營衛各官
初次赴選均取具原籍督撫布政使司印文赴
部投供方準銓選但投供後有因選期尚早回
籍者往往遲至二三年以及六七年復行赴部
投供若因其回籍既久行詢原籍踈咨覆到日

始行銓選未免等候羈遲若不行詢具在籍有無事故無憑察考應酌定候選營衛各官有投供後回籍未過一年者免其行詢如已過一年無論年分遠近令取具同鄉京官印結赴部一面準其投供銓選一面將在籍有無事故行詢原籍如咨覆到日並無事故者即存備案如有事故別行具奏辦理○又奏準每月十二日以前應進開闕本倘遇二十日內有例不進本日

期即繕摺奏請開闕○又奏準營守備一項先
因捐納無人將舊有捐班裁去改為効力班今
應於効力班之上仍設一捐班按投捐日期先
後用○又覆準巡捕三營各官有照例叅送議
處之案不至降級革職者不停升轉遇有員闕
準其照常簡選升拔所有原叅處分帶於新任
○十年奏準年滿隨營候推之千總向例入於
雙月兩委班內選用嗣因發回原任之年滿千

總無班可選奏準將二委班借用發回原任之
年滿千總如發回原任之年滿千總用完仍選
隨營候推千總今按隨營候推之千總甚多若
止以一班銓選候闕需時甚屬壅滯應於第二
委班下再增一委班用隨營候推千總俟發回
原任千總用完之日仍將第二委班歸還隨營
候推千總統計共以三班銓選可謂漸次疏通
○又奏準年滿千總隨營候推者雖於兩委班

之下增設一班選用但伊等在外既無題補之
闕而第二委班尚有發回原任之千總選用約
計候推千總一年不過選用三四人究屬闕少
人多按雙月選用守備班內有捐班見在捐納
無人又單月有升班繫以營用之門衛千總升
用今門衛千總應以營用者亦屬無幾嗣後輪
用捐班升班之時如本班有應用之人先盡本
班選用如無應用之人即將隨營候推千總選

用○十一年奏準內河水師都司應歸部選者
四守備應歸部選者八如遇都司員闕仍用水
師藍翎侍衛其守備員闕以水師藍翎侍衛及
水師年滿千總輪流間用○十三年奏準官員
開闕為銓選所關必分別畫一辦理方免高下
其手千把微員議處應降革者半月內彙題開
闕營衛守備以上各官議處有應革職降調者
按文到日期先後逐案題覆開闕如降級抵銷

降級留任停升住俸罰俸等案不開闕者於半
月內彙題副將有以老病告休者員闕不便久
懸逐案題覆開闕至老病告休之叅游都守均
以揭到日開闕於半月內彙題○十四年奏準
見任武職各官因姻親迴避赴部候補者人文
到部歸於雙月不入班次即用○十五年奏準
隨營候推之年滿千總壅滯甚多雖經疏通約
計每年選用不過十餘人而未經選用者日漸

加增銓補竟無限期按雙月選用守備劄班繫
澎臺俸滿千總與難詹守備以營用者相間輪
補今難詹無人澎臺俸滿千總注冊候推者人
亦甚少每值此班因無人輪用將闕歸於下班
用別項之人嗣後雙月輪用劄班之時如遇本
班有應用之人先盡本班選用如無應用之人
即將隨營候推千總選用○又奏準開復守備
於還班內輪班間補每年僅用一二人見在投

供者須至二三年之久始能得補守候需時按
廕生改武者於各班之末用一人今改武廕生
甚少每值此班竟無人輪用嗣後開復守備仍
於還班照例間補外如輪用廕生改武之班本
班有應用之人先盡本班選用如無應用之人
即將開復守備選用○又奏準雙月應用游擊
都司之三等待衛一年共用三人加之有簡選
分發各省委用者遂至行走已滿三年之人漸

致稀少屢遇游擊員闕僅以一人請

旨補授是一人指補一闕既與定例未符亦覺升遷
太速請定以四年為滿方準保送如遇應用月
分行文領侍衛內大臣鑾儀衛將行走已滿四
年者保送二三人引

見恭候

簡用如無合例之人即以無人保送咨覆由部別行
銓選若僅止一人經領侍衛內大臣鑾儀衛以

弓馬嫻熟保送者由部考驗果弓馬嫻熟即引見補授如弓馬生疎駁回令其演習竝嫻熟後同其次年滿侍衛一并引

見四等侍衛藍翎侍衛定例亦繫行走三年以單月都司守備用每年共用五人請亦照三等待衛之例統以行走四年為滿○十七年奏準外海水師降補人員因並無部推之闕該員等到部後均奏請引

見或發往該員本省或發往鄰省有外海水師之題
闕者交與該督等以該員應用之闕酌量題補
至內河水師降補人員向來未有辦過成例該
員等一經降調赴部其叅將游擊尚有部推之
闕可以銓補至守備一項部推雖有八闕先經
奏準第一闕用水師藍翎侍衛第二闕用造冊
送部選用之水師年滿千總再有闕均照此輪
用在案是降調赴部應補內河水師守備無班

可歸按內河水師守備題闕江南十有二廣東
三嗣後內河水師守備照外海水師之例遇有
降調守備者由部引

見請

旨發往有內河水師守備題闕之江南廣東二省交
與該督等與應補人員一同酌量題補再察內
河水師部推都司止有四闕亦經奏準補用水
師藍翎侍衛如有降補都司之人亦無班可歸

察內河水師都司題闕江南四浙江一嗣後遇
有降補都司赴部者並照守備一例辦理○十

八年

諭武職銜乃沿明代舊制其中升銜升任條例紛
繁即以錄序軍功不可不留此勲階以為獎賞之
地然與見任職事何與焉徒使胥吏得以高下其
手且外省參游遇升銜調任畏遷移繁費至有營
求督撫保奏留任者是升銜本以鼓勵戎行而日

久轉為苦累亦何用此虛文為也嗣後武職中之
大銜小銜應刪除更定一歸簡易止就見在官職
分別年分論俸升轉著該部詳悉定議具奏欽此
遵

旨議準月選叅將以下守備以上嗣後不論銜大銜
小叅將員闕以游擊論俸推升游擊員闕以都
司論俸推升都司員闕以守備論俸推升守備
員闕將各項應用之人按次升選但察各省叅

將一百六十三員游擊四百五十員都司三百四十八員守備八百十有八員向例加署都司銜以上之守備即升游擊是游擊都司雖分階級在守備原可兩途推升今加銜既奉

旨刪除守備止應升都司不得升游擊都司數少守備數多升途未免遲滯應將游擊守備酌改都司除獨營游擊分防要地未便更易當於同城駐劄之游擊有二三員及三四員者酌改都司

一二員行令各省督撫提督酌定報部注冊再各省副將之中軍多繫都司惟臺灣澎湖興化閩安延平張家口之副將中軍見繫游擊陝甘督標河東河標兩廣督標廣州將軍標及江南太湖營之副將中軍見繫守備體制皆未畫一除臺澎繫海外重地應仍留游擊以資彈壓無庸議改其餘游擊守備均改都司合之各省通改都司八十員以為守備升用之地其見任游

守仍照原官升轉離任後陸續更換○又議準
武職既論俸推升刪除加銜凡從前已因升銜
調任之各官自當先行升用應將調任俸深者
別造一冊計其初任接劄日期各按食俸先後
挨次升用再俸深各官內向有升銜留任調任
之別今若將調任各官扣除交代離任日期則
較之留任之人竟有食俸在先計俸在後者應
將論俸推升之各官由從前調任者除告假及

緣事日期仍照舊扣除外其調任交代日期槩
不扣除○又奏準定例升選營守備單月九班
雙月十四班單月九班內升班功班分發班當
差班皆以武進士及年滿千總等項選用惟小
銜守備五班向以署守備之守備加銜調任今
既刪除加銜則此五班無人選用單月止存四
班雙月仍存十四班未免多寡不均按雙月十
四班內劄班功班捐班見在無人乃以武進士

年滿千總借用應將此三班改歸單月如遇本班無人仍照舊借用定為單月七班雙月十一班分別選用○又議準內河水師各官向與陸路通行較俸遇應升時有水師員闕即行升用若無水師員闕皆加銜留任按內河水師各官既必須以水師之闕升用嗣後應止於水師內較俸升轉至外海水師及河營各官皆由在外題補不由部推但從前亦與陸路通行較俸遇

應升時加銜留任嗣後此項員闕應聽各該督
提酌量題升均毋庸與陸路較俸升轉不必加
銜留任

一銓選論俸原定升選題補各官均照所報到
任日期論俸○又定同日補授同日到任者遇
推升時若從前曾經出仕照原任俸次先後若
初任之人照原題疏內名次先後○又定在外
各官食俸三年為滿餘一日作一日在京巡捕

營各官食俸二年為滿餘一日作日半內外較
俸升轉○又定福建臺灣協澎湖協北路協各
副將游擊都司守備臺灣城守營南路營各叅
將守備臺灣鎮標中左右三營游擊守備北路
淡水營南路下淡水營各都司均於內地各營
內簡選品級相當熟悉風土之員題請調補副
將三年俸滿叅將游擊都司守備二年俸滿該
督提會覈題報於即升官員內先行升用之中

又先行升用內有水師各官照伊銜闕升用後
調回內地以水師各營員闕調補千總咨部調
補不算前俸三年滿日考驗保送把總咨部拔
補三年滿日以内地千總拔補○又定湖廣永
州鎮標中左右三營鎮標中左右前四營
綏寧營城步營衛昌營保靖營各游擊守備沅
州辰州施南永綏各協都司守備永順寶慶靖
州各協都司武岡營都司臨武宜章桂陽九谿

各營中軍守備均五年俸滿該督提會覈題報
升用○又定陝西安西各營叅將游擊都司守
備及保安營歸德營都司五年俸滿該督提會
覈題報升用○又定四川松潘鎮標中左右三
營漳臘營疊溪營各游擊守備平番營都司南
坪營守備五年俸滿如果訓練精勤化綏有術
番民和輯邊地牧寧該督提會覈題報升用○
又定廣東虎門協右營都司三年俸滿任內並

無盜案該督提會覈題報升用儋州營萬州營
游擊守備五年俸滿該督提會覈題報升用崖
州營叅將守備二年俸滿該督提於內地屬員
內簡選題請調補前往更換果能整飭營伍地
方寧謐任內並無停升降級承緝等案調回內
地該督提會覈題報照伊銜闕升用後遇有水
師員闕題請調補○又定廣西右江鎮標中左
右三營隆林營各游擊守備上林營龍憑營

蘇營各都司新太協右營東蘭營各守備三年
俸滿並無事故該督提會覈題報義寧鎮安慶
遠各協副將游擊都司守備新太協副將都司
融懷營叅將守備思恩營游擊守備三里營上
思營各都司五年俸滿並無事故該督提會覈
題報均照邊俸例在任候升此內副將俸滿由
部於開列總兵時將該員俸滿候升之處於本
內聲明候

旨簡用○又定雲南昭通鎮雄廣南元江各營叅將
游擊守備三年俸滿東川營叅將守備五年俸
滿該督提會覈題報升用○又定貴州古州清
江都勻丹江都江台拱銅仁長寨新設移駐之
副將叅將游擊守備三年俸滿歸化營游擊守
備千總把總五年俸滿果能苗民相安該督提
會覈題報升用如俸滿推升之後該督提題請
仍留原任者準照升銜論俸升轉○康熙三十

年議準巡捕營千總不照京俸計算與外省千
總一例六年俸滿○雍正五年議準雲南普洱
鎮標中左右三營游擊守備三年俸滿題報升
用○八年覆準軍功加至副將銜者升至副將
以前照京俸加至都司銜者升至游擊以後照
常俸○又覆準軍功各官遇開列時不論俸次
照應得之官與應行開列之人一同開列○乾
隆二年議準四川威茂協副將都司五年俸滿

如果訓練精勤化綏有術審民和輯邊地牧寧
該督提會覈題報升用○六年奏準分發委署
試用各官如果諳練營務人地相宜該督撫提
鎮題請實授由部察覈題覆奉

旨準其實授後給劄以接劄之日起算俸與各官較
俸升轉○又奏準裁汰告假丁憂人員補官後
準接算前俸所有原任即升加級紀薦準其隨
帶緣事應降應革遇有

恩赦免議及本案審虛開復或奉

旨以原叅之案本屬寬抑復還原職者均準接算前
俸所有即升加級紀薦亦準隨帶如並非本案
開復及業經緣事降革奉

旨起用者不準接算前俸所有即升加級紀薦不準
隨帶○八年議準湖廣苗疆游擊都司守備均
準五年俸滿其苗疆之副將叅將亦應準具一

例五年俸滿該督提題報到日照例升用○九

年議準古州鎮標清江上江二協丹江下江台
拱朗洞各營及古州道標都江廳標各副將叅
將游擊守備千總把總都勻協左營游擊千總
把總銅仁協副將左營守備千總把總右營游
擊守備千總把總長壩荔波各營游擊守備千
總把總均繫新設苗疆要地定為三年俸滿歸
化營游擊守備千總把總都勻協副將左營守
備千總把總右營游擊守備千總把總銅仁協

左營游擊千總把總長寨營叅將守備千總把
總凱里營都司千總把總定廣協右營分駐大
塘守備千總把總均繫苗疆定為五年俸滿○
十年議準武職各官論俸推升無論邊俸腹俸
向以到任在先者於接劄之日計算接劄在先
者於到任之日計算臺灣路隔重洋較他省邊
關尤為緊要調臺各官獨以接劄之日算俸例
不畫一嗣後調臺各官無論大小均以到臺之

日起算俸分別報滿○又議準三年五年俸滿各苗疆千把總如果年力健壯材技優嫻人材弓馬可觀熟練營伍苗民安化地方寧謐並無叅罰事故者仍以三年五年俸滿其尋常供職者考內地之例千總六年俸滿報部把總考拔千總不得隨同該營將備緊以三年五年一例報滿○十二年議準雲南猛緬地處極邊路近緬莽應於永順鎮標撥守備千把外委分佈要

隘塘卡防範巡察三年俸滿如果稱職題報升
用○十五年議準四川松潘鎮屬之漳臘營地
處極邊原設游擊不足以資彈壓應改設叅將
仍準五年俸滿該督提會覈題報升用○又議
準見今貴州苗疆地方寧謐非新闢時可比千
總俸滿留部以守備即用未免過優亦與別項
升途有礙嗣後此等千總俸滿時該督提保送
到部考驗人材弓馬引

見繫五年俸滿者請

旨發往本省交與該督與曾經出兵之年滿千總按其行走勞績是否人地相宜酌量題補三年俸滿者請

旨以第一人第二人發回本省酌量題補以第三人發往雲南與雲南出兵之年滿千總亦按其行走勞績是否人地相宜酌量題補○十七年題準四川松潘鎮屬南坪一營孤懸番地應將守

備改為都司仍準五年俸滿該督提會覈題報
升用○十八年遵

旨議準臺澎俸滿水師人員題報俸滿後行文該督
將該員調回內地遇有水師應升題補之闕即
行題補○又議準四川威茂協副將移駐維州
改為維州協副將其左營中軍都司移駐舊保
右營都司移駐雜谷關仍準五年俸滿該督提
會覈題報升用○又奏準廣西右江鎮標左營

游擊改為都司仍以三年俸滿題報升用鎮標
右營游擊從前五年俸滿題報升用今既改為
都司自應仍為五年俸滿○又奏準湖廣鎮標
鎮標前營游擊改為都司仍以五年俸滿題報
升用○又奏準四川松潘鎮標游擊改為都司
仍以五年俸滿題報升用○又奏準貴州古州
鎮標右營游擊改為都司仍以三年俸滿題報
升用○又奏準福建臺澎水師人員於題報俸

滿後該督將該員調回內地遇有題補之闕繫其應升者即行題補○十九年覆準向例軍功加至副將銜者升至副將以前照京俸加至都司銜者升至游擊以後照常俸今既刪除加銜嗣後論俸推升察明該員功加多寡分別計算照京俸推升每推升一次按從前正署加銜之數銷去功加二等所餘功加準其隨帶再遇推升之時仍以京俸計算至功加銷完之後始照

常俸升轉○二十年議準武職各官原以弓馬為重所有邊俸報滿人員未便以其諳悉苗疆遂可懈弛武備但任內果能苗民相安地方寧謐若以考驗之日弓馬平常將苗疆數載勤勞即行棄置又無以示獎勵嗣後苗疆俸滿人員該督提考驗如果弓馬去得照例題報升用其弓馬平常者應令該督提展限一年再行考驗若能練習改觀仍準題報升用倘依然平常或

勒令休致或調補內地將俸滿之案注銷○又
題準邊疆叅將俸滿向例加銜調任今加銜已
經刪除嗣後叅將俸滿照例注冊遇有副將員
闕將該員邊俸報滿之處於開列本內聲明具
題

一銓選停升順治年間定地方失事督撫提鎮
題叅疏防各官以揭帖到部即行停升如無揭
帖者以科鈔到部停升如推升已經掣籤尚未

具題有以地方失事題叅奉

旨到部者亦除扣停升督撫題鎮特疏糾叅各官亦以揭帖到部即行停升如無揭帖者以科鈔到部停升其提問拘問者不候事結即行停升若督撫提鎮題叅因公呈誤案件議覆未結及科道糾叅或被人訐告等事議覆未結遇有應升不停○乾隆六年奏準科道糾叅或有不實被人訐告或有挾嫌雖議覆未結均不停升若督

撫提鎮題叅因公呈誤案件處分降革罰俸不
等雖議覆未結亦即停升○九年覆準巡捕三
營各弁遇有失竊之案照例叅送議處後均免
停升遇有員闕準其一例簡選升拔所有原叅
處分帶於新任仍令加意協緝務獲若限滿不
獲扣限叅送照離任官例議處完結

一拔補千把總康熙二十九年覆準營千總員
闕該將軍督撫提鎮於把總內簡選把總員闕

於在營食糧兵丁內簡選均將才技優長弓馬嫻熟者拔補咨部請劄如未經受劄者止稱委署千把總○三十年議準巡捕營千總員闕以把總拔補把總員闕以兵丁拔補如有應用千把人員亦準拔補○雍正五年議準本營兵不準拔補本營千把總其將軍督撫提鎮標下如中左右前後營準其互調拔補或各標協營同城者亦準其互調拔補至於獨營地方千總有

左哨右哨之分把總有頭司二司之別準其隨地酌量拔補如無鄰近營汛即於本營左哨右哨及頭司二司內彼此互調拔補○六年議準兵丁熟練水務者但能步箭合式於藤牌大刀內兼精一藝即準拔補水師把總拔補之後令其演習騎射再拔補千總其騎射不能水務又不熟練者隨時咨汰若騎射雖屬平常果深通水務該督撫提鎮咨部記名專以水師營補用

○七年議準直省將軍督撫提鎮拔補經制千把總咨報到部與定例相符者按月一本彙題請

旨給與劄付令其任事○八年議準把總食俸已過三年果騎射魚優人材出衆任內並無盜案疎防叅罰止有承追降職降俸之案未經開復者該將軍督撫提鎮於拔補文內聲明由部察覈彙題準其拔補千總仍將降職降俸之案帶於

新任○十三年議準直省各鎮協營不待把總
員闕先將外委兵內每營選擇數名或於請餉
公事或隨將備調考之便呈送將軍督提考驗
將合式者記名竦有把總員闕先盡本營所送
之人考驗拔補應調拔者照例調拔如所送之
人不堪拔補該將軍督提即於記名人內擇其
等次最優營分附近者指名調考拔補仍令該
管官於歲終將記名之人造冊彙報倘有行止

更改弓馬生疎者據實呈報該將軍督提將記名注銷如記名之人將近用完再令各營呈送考驗該將軍督提每年將考驗記名之外委及兵姓名開造履歷事蹟清冊報部○乾隆六年奏準千把總緣事斥革者即令離營原劄繳部塗銷存案○又奏準將軍督撫提鎮將部冊無名未食糧之人拔補把總者照徇情例降三級調用若該管官詳報將軍督撫提鎮拔補者將

該管官降三級調用將軍督撫提鎮罰俸一年
○又奏準直隸馬蘭泰寧二鎮千把總員闕該
督將應用千把之人擬定正陪咨部引

見補授

一千總俸滿順治初年定千總六年俸滿咨部
時將原領劄付令本人隨帶赴部親繳如不將
原劄親帶赴繳者不準注冊引

見○又定千總六年俸滿由督撫提鎮考驗優者保

送引

見平常者咨部注冊不準保送○康熙三十年議準
巡捕營千總與直省千總一例六年俸滿不算
京俸○雍正六年議準河營千總六年俸滿如
有熟悉椿埽勤敏盡職者該督咨部留工効力
遇守備員闕與見任千總一例簡選題補○七
年奉

旨咨部注冊不行保送之年滿千總有情願來京引見

者自赴兵部報名考試平常者仍行注册技勇可用者列名具奏請旨引見○十二年議準千總俸滿如有盜案叅處及別項降職降俸等案未經開復該將軍督撫提鎮詳加考驗平常者勒令休致若人材弓馬可觀出具考語保送於文內將降罰之案詳悉聲明由部引

見如別行補用將降罰之案帶於新任三年無過開復○十三年奉

旨凡年滿千總發回原任者因其人材中平又未知効力何如是以發回令各督撫提鎮再行試看如効力果好遇有守備員闕仍可於各標千總內比較酌量題補不得因其回任即礙難保題○乾隆三年奏準千總俸滿除不堪保送者咨部開闕外凡保送者詳加察覈出具切實考語如弓馬人材實在可觀及有効力實績者方準保送其雖無勞績而弓馬人材可觀又諳練營伍者亦準保送該

千總到部由部復加考試如人材弓馬不堪並
無勞績者即行駁回不準引

見其引

見者將本省鄰省有無在外題補之闕於名籤上注
明如奉

旨發回本省並發往別省題補者該督撫提鎮遵

旨題補如交巡捕營當差者歸於應得之班選用注

冊候推者仍發回本省給與馬兵糧隨營差操

按引

見奉

旨日期先後歸入本班挨次推用除陸續題補推補外若過三年後尚未題補推補者該督撫提鎮再加甄別果弓馬純熟營務諳練並從前有効力實績材尚可用者仍留標候題候推如弓馬漸次生疎差操漸次懈惰又並無前勞可念者即咨部注冊令其回籍○七年

諭近年以來外省保送年滿千總似覺過多一時不能得用未免轉致壅滯著各省督撫提鎮於保送時留心選擇如果材技優長及有軍功勞績者方準咨部引見毋得濫行保送欽此○又

諭武弁中守備一官乃將帥之臂指千把之表率非平庸之人所能勝任各省有分發候補守備之年滿千總該督撫自必先盡材技可觀者題請補用若弓馬人材不及之人守候日久年力愈衰技勇

日退及得官之後於營伍操防何能收其實用非振飭戎行之道著各省督撫提鎮將見今分發候補守備之年滿千總秉公甄別除年力壯盛材技可觀者仍留候補外其弓馬人材平常年力漸衰者皆準其原品休致則強銳者既得及時授官而衰庸者亦免於守候嗣後三年舉行一次所留候補之人著於支食千總俸銀外加給步兵糧以資其食用至保送年滿千總務將人材壯健可以造

就及實曾出力者舉出寧闕毋濫不得姑息庶不致升途壅滯亦可收得人之效矣欽此○十年奏準各省俸滿千總該督撫提鎮保送者十居八九咨部注冊者無幾不過以該弁在營日久並無過愆曲示優容以致保送過多不但隨營食餉多占兵額且使候補候選之人一槩壅滯嗣後俸滿千總除人材弓馬可觀著有勞績者仍照例保送外其雖無勞績而人材弓馬可觀者

務須詳加考覈酌定人數每十人內保送不得過二三人至於人材弓馬均屬平常即咨部注冊槩不得濫保如將實非出衆之人多送由部於考驗時照例駁回至年滿千總內發回本省題補並注冊候推未經得用者如遇三年甄別秉公考驗具有年力就衰弓馬生疎者即勒令離營報部○又議準發回本省以守備題補之年滿千總定例以本省應題補之守備題補具

未經題補者例由該督撫提鎮出具考語造冊
送部歸於雙單月分發班內銓選但每年分發
班內不過選用二三人除有在外應題守備之
省發回年滿千總尚有題補之期無庸置議外
惟山西河南江西三省向無在外應題之守備
該弁等在本省守候既無可題補若令盡行造
冊送部與各省年滿千總挨次推用則守候仍
屬需時請嗣後山西河南江西三省部推守備

如有五闕以第一二三四闕歸部銓選第五闕
行令該督撫將發回以守備題補之年滿千總
題請補授週而復始如繫本省之人照例題補
隔府別營仍於本內聲明若所出闕與候補之
人繁簡不甚相宜或定例應行迴避者準其於
別營通融調補此等人員如從前已經造冊送
部銓選者仍準其題補其未經題補者亦準其
造冊送部銓選未及題選之時如遇三年甄別

秉公考驗具有年力就衰弓馬生疎即令離營
○十一年奏準各省水師千總俸滿送部引

見者發回本省以水師守備題補但外海水師守備
例應題補者尚多皆得陸續題補惟內河水師
守備各省額設無多如江南浙江廣東等省尚
有在外題補之水師守備候補之人不致補用
無期至湖廣並無內河水師守備應題補者候
補水師守備雖有候補之名終無題補之路江

西省亦無在外應題補之水師守備見有額設
水師千總將來俸滿保送發回候補亦屬無可
題補按陸路年滿千總發回本省題補者如題
闕無多及並無題闕之省準令該督撫提鎮出
具考語造冊送部銓選請將並無題闕之省所
有發回題補之水師年滿千總照陸路之例令
該督撫提鎮詳加考驗出具考語造冊送部注
冊遇有內河水師部推守備員闕以水師藍翎

侍衛與水師年滿千總輪班選用○十四年奏
準發回本省題補之千總有因該省本無在外
題補之闕及雖有無多者補用無期是以令各
該督撫提鎮出具考語造冊送部歸班銓選掣
籤後行文調取引

見但隨營候推之千總銓選得官例不調取引

見至發回本省以守備題補者於題補時亦不送部

今遇部推復調取引

見例不畫一嗣後於部推之後照例具題竝奉

旨給發劄付令其赴任免其調取引

見○十七年奉

旨嗣後引見之雲南貴州廣東廣西福建等五省年
滿千總留巡捕營當差者將伊等有無親老及別
情不能遠離之處爾部詢問如有不能遠離情節
仍發回本省照例補用○十八年奉

旨各省六年俸滿千總經保送引見者分發本省鄰

省以守備題補其發回本省隨行候推之員逐年積累人數甚多雖有三年再加甄別之例率皆視為具文多有以守候壅滯為言者使但嚴其甄別而不稍為疏通亦無以示鼓勵嗣後候推之人屆三年甄別之期該督撫提鎮各宜實力奉行不得姑息濫予具有實在行走勤勞人材出眾者準其再行保舉引見交部即用若原應題補而非實在出色年力又未至衰老者即咨部降為候推至候

推之人內有應拔置題補者亦準其保送引見其不在保送之例而人材尚屬可留者仍令隨營候推衰庸怠惰者咨部休致應如何酌定班次錄用之處該部定議具奏欽此遵

旨議準嗣後候補候推之年滿千總每屆三年詳加甄別其原應題補而非實在出色者即降為候推原繫候推而實在衰庸懶惰者即咨部休致如候補候推兩項內有行走勤勞材藝出眾者

於三年甄別時保舉送部引

見將原應題補者改為即用於單月選兩人後輪用
一人原繫候推者拔置題補令該督撫提鎮遇
有員闕酌量題補至原應題補降為候推者歸
入候推千總應用班內較其從前奉

旨日期如同日奉

旨較其俸滿日期先後選用

一營兵外委定額雍正五年議準各營之中凡

額兵二百名許外委把總一人額兵四百名許
外委千總一人均於馬步兵丁內考驗操防勤
慎及人材弓馬好者秉公選擇造冊送部○六
年議準外委千把總於額兵數內拔補給與八
品頂帶令其同經制千把總辦理汛務如遇經
制千把總員闕簡選拔補○十二年議準各標
協營考拔外委之時照經制千把總之例與同
城互調拔補不得以本營兵丁拔補本營外委

至於獨營地方無鄰近營汛可以互調者即於本營左哨右哨頭司二司內彼此互調拔補○十三年議準將軍督撫提鎮有將營外之人濫給委牌者照徇庇例議處○又議準直省援剿營之外委有未照防守營之外委分撥哨司辦理汛務者均照經制千把例分撥哨司令其管轄汛兵操防巡緝如遇疎防失事以及兵丁生事擾民約束不嚴等案該將軍督撫提鎮將該

弁隨經制千把總一例參處

欽定大清會典則例卷一百四

欽定四庫全書

欽定大清會典則例卷一百五

兵部

武選清吏司

職制三

一八旗世爵及武職外用乾隆元年議準自山海關至殺虎口保德州並古北宣化大同所屬地方均繫沿邊關隘要地副叅游都守等官以

三分留與綠旗補用以七分給與旗員對品補用補用之後五年為滿如果熟諳營伍人地相宜準該督提等以各該員應升之官題補其餘咨部轉咨該旗按該員原職應升之官先盡升補○又議準河屯營副將標下千總一員把總二員並分防喀喇河屯龍鬚門波羅樹森吉圖各千總大店子馬圈子喇嘛洞虎什哈了頭溝二溝中六溝八溝營左右司各把總歸八旗補

用其餘千總仍照舊悉歸河屯營及內地沿邊
弁兵內簡選拔補○六年議準八旗武職外用
沿邊各關於補用之後不拘年限如果弓馬嫻
熟諳練營伍除以該員應升之官題補其餘未
得題補者統以五年為滿該督提出具考語給
咨送部由部考驗引

見並將例有題闕之省開單請

旨分發遇員闕題補其所遺沿邊員闕仍於在京八

旗武職內簡選補用如有不能熟悉營伍不宜外任者咨部發回各該旗仍在原處行走以原職應升之官補用至副將內有整飭營伍堪膺表率之任者不拘年限該督提出具考語保送到部注冊將該員仍留原任俟各省總兵官闕與綠旗營副將一例論俸開列具題恭候

欽定補授○又議準直隸山西沿邊副將以一等侍衛王府長史前鋒護軍驍騎叅領步軍翼尉並

一品二品世爵補用叅將游擊以二等待衛前
鋒侍衛副叅領佐領步軍協尉三品世爵補用
都司以三等待衛步軍副尉步軍尉四品世爵
補用守備以藍翎侍衛五品世爵及親軍校前
鋒校護軍校驍騎校補用副將分左右翼輪用
叅游都守八旗輪用均於員闕時行文領侍衛
內大臣鑾儀衛火器營八旗都統前鋒護軍步
軍統領等簡選三四人出具考語咨送到部考

試弓馬簡選引

見恭候

欽定補授○又奏準直隸內地副將叅將游擊都司
守備以三分補用旗員七分補用綠旗第一次
補用旗員第二第三補用綠旗第四補用旗員
第五第六補用綠旗第七補用旗員第八第九
第十補用綠旗其應用旗員者由部行文該督
於見任沿邊旗員內簡選熟悉營伍之人題請

調補所遺沿邊之闕仍於在京八旗武職內簡
選補用此內由沿邊調補內地之叅游都守遇
有應升之闕仍準其題補其調補內地未經題
升者仍接算前任邊俸扣滿五年該督出具考
語給咨送部引

見恭候

欽定分發各省遇闕題補至調補內地之副將竝有
總兵官闕亦與綠旗副將一例論俸開列具題

○又奏準巡捕三營馬蘭鎮泰寧鎮千總並直隸山西沿邊千總將前鋒護軍與綠旗輪流間補行令八旗內務府於前鋒護軍內簡選三十
五名引

見交部分發直隸十五名山西省十二名馬蘭鎮二名泰寧鎮二名巡捕營四名將姓名掣定注冊
竝有各該處千總員闕掣補給劄赴任二年之內如行走好熟悉營務各該處出具考語保送

由部引

見將各省守備題闕數目開列隨摺奏

聞恭候分發各省果有技藝出衆與各該處營伍相
宜者準具以守備題補倘有行走怠惰不宜營
伍者即咨送回部仍發原處行走將及用完之
日仍行令八旗內務府簡選引

見○七年奏準陝西甘肅沿邊並四川松潘鎮均地
處邊陲番夷錯雜應分用旗員以資彈壓陝甘

應題補之副叅游都守共二百有九員四川松
潘應題補之副叅游都守共十有六員無論沿
邊腹地第一次員闕補用旗員第二三四五次
補用綠旗再有員闕照此輪用凡遇員闕應以
旗員補用者按照旗分咨取應用之人考驗簡
選三四人引

見恭候

欽定補授至補授之後如果熟諳營務遇有應升之

闕準具與綠旗人員一例簡選題補其開列推
升亦與綠旗一例較俸升轉倘不宜外任即咨
送回部仍發各該旗令在原處行走竝有該員
原職應升之官先盡補用至陝甘二省千總一
百九十三員四川松潘千總十有八員第一次
員闕補用前鋒護軍第二三四五次補用綠旗
再有員闕照此輪用由部行文左右二翼前鋒
統領八旗護軍統領簡選人材壯健弓馬嫻熟

言語明白者每旗各保送十人咨部考驗引

見記名注册遇有陝甘松潘千總員闕應補旗員者

掣籤補用補用之後均照綠旗千總之例一例

六年俸滿如有材技優長熟悉營務者準其不
拘年限以守備題升其未經題升食俸已滿者

該督照綠旗俸滿千總之例出具考語送部引

見恭候

欽定倘有不能熟悉綠旗營務不宜外任者即咨送

回部發回各該旗仍在原處行走○又議準上
三旗親軍內簡選身材壯健弓馬嫻熟語言明
白者每旗酌量保送一二人送部入於八旗前
鋒護軍內公同考驗引

見○八年遵

旨議準從前所定旗員分用綠旗員闕之例原繫將
滿漢升途通行籌酌今按陝甘松潘所屬各營
補用之旗員乃與綠旗一例升轉則直隸山西

沿邊補用並直隸調補內地各旗員均應照陝
甘松潘之例無庸定以年限令該督提試看如
弓馬嫻熟諳練營伍遇有應升之闕與綠旗一
例簡選題補如有不能熟悉營伍不宜外任亦
不必拘定五年之限隨時咨部仍照原議發回
各該旗令其在原處行走俟有原職應升之官
先盡升補所遺沿邊之闕仍將在京八旗武職
簡選補用其餘未得題補者均與綠旗各官一

例較俸升轉所有五年俸滿保送之例應請停止○又秦隼前鋒護軍補用千總陝甘二省並四川松潘一鎮定以五闕補用一人照綠旗千總之例六年俸滿令將巡捕營並直隸山西亦照陝甘四川之例五闕補用一人則前鋒護軍補用無幾然若與綠旗間用則又礙綠旗進身之階請嗣後巡捕三營直隸山西沿邊等處並馬蘭寧泰二鎮額設千總均以三分之一補用

前鋒護軍竦有員闕第一次補用前鋒護軍第
二次三次補用綠旗再有員闕照此輪用所有
原定保送之例應請停止均照例六年俸滿出
具考語保送引

見如有技藝出衆諳練營伍者不拘年限遇有守備
員闕即準題補其行走怠惰不宜營伍者仍照
原議發回原處行走其保送之千總到部引

見時恭候

欽定或發回原任省分或發往鄰省以守備題補或
交巡捕營當差其人材勞績不稱題補之選者
不必隨營候推亦留旗在原處行走仍給與千
總頂帶遇有簡選升用之處與應升之人一例
簡選升用○又奏準陝甘二省及四川松潘一
鎮應題副叅游都守並直隸山西沿邊各關分
用旗員原以邊疆緊要滿洲人材衆多弓馬素
嫻以之分任可以表率弁兵整飭營伍方於邊

疆有益近見各處有將年力就衰及年少世爵
不宜外任之人保送驗其弓馬並非出眾殊失
邊疆期於得人之意嗣後凡遇咨取應用人員
務須詳慎簡選將年力精壯弓馬優嫻者秉公
保送如實在無人即聲明咨覆若各處均無人
可送及所送之人皆不堪用即將其次應用旗
分咨取遴選引

見倘各處保送人員內由部考驗人材弓馬僅可選

取一人不便引

見即咨取其次應用旗分人員一并簡選三四人引
見如應取鑲黃旗人員只選一人即咨取其次應用
之正黃旗一并簡選三四人引

見若將鑲黃旗人員補授再有員闕仍於正黃旗取
用若將正黃旗人員補授再有員闕鑲黃正黃
二旗均停其咨取即將其次應用之正白旗人

員簡選引

見補授其餘旗分照此辦理○九年奏準直隸山西
陝甘松潘各闕分用旗員原議專用滿洲並無
兼用蒙古之例但滿洲兼入蒙古旗分人員因
其原屬滿洲準其一例簡選而蒙古兼入滿洲
旗分人員見在已分隸滿洲旗分均在滿洲旗
分升轉乃補授沿邊各闕不得與滿洲一例簡
選殊未畫一嗣後應與滿洲人員一例簡選補
用○又奏準各省豫保千總為數無幾候補守

備人多應將分用旗員之陝甘二省及四川松
潘一鎮應題守備除第一次員闕照例分用旗
員外其第二次掣用豫保千總第三四五次在
於候補人員內簡選題補至川省並未分用旗
員之標協營如有應題守備員闕以第一次歸
豫保千總掣補第二三四次歸候補人員題補
再有員闕皆照此輪用○十年奏準鷹房狗房
鷓房三處一二品廕生騎都尉兼入各執事行

走者以都司補用三品廕生藍翎侍衛雲騎尉
並候補職官及有頂帶人員選入各執事行走
見食俸祿者以守備補用閒散及驍騎等選補
各執事人見食錢糧者按其差使與前鋒護軍
相等以千總補用直隸山西沿邊補用旗員乃
分定地方按照旗分挨次補用陝甘松潘乃以
題闕五分之一分用旗員按照旗分輪流補用
其都司守備員闕遇有分用旗員者行文鷹房

狗房鶻房三處按照咨取旗分將行走已過五
年人去得者公同簡選一人出具考語保送赴
部與各處送到人員一同考驗簡選引

見請

旨補授至應用千總一人由部照護軍前鋒補用千
總之例行文三處將行走已過五年人去得者
不拘人數簡選出具考語保送到部考驗引

見奉

旨準其注册後歸入八旗滿洲見用千總前鋒護軍
之內一例按照旗分遇有員闕繫分用前鋒護

軍者公同掣籤補用○十三年奉

旨京師護軍叅領護軍校護軍內有曾經出師並騎
射優者簡選補授綠旗各官其圓明園護軍叅領
護軍校護軍等非京城經制官兵是以並未與選
但此內既有可以選用之人且差務較前有增看
來皆可黽勉將事自應照京城一例簡選補授以

示鼓勵嗣後簡選補授綠旗各官時入於京城各該旗會同圓明園總統等一例簡選○又秦準前鋒護軍補用千總六年俸滿應行保送之人如果材技優長堪膺保題者遇有守備員闕即準題補其才力技藝雖堪保題尚覺稍次者保送來京隨到隨令軍機大臣會部再加考驗擇其實堪升用者引

見或發回原任之省及隣省以守備題補或交巡捕

營當差或仍令回旗於原處行走均候

欽定其不中選者毋庸引

見以守備銜回旗於原處行走按年滿日期候推至
材技均屬平常者不必送部引

見給與千總職銜咨回該旗於原處行走○又奏四
川夔州協副將員闕或令該督簡選題補或於
一等待衛內簡選引

見恭候

命下嗣後即照此辦理奉

旨著簡選引見欽此○十四年奏準

靜宜園之健銳營叅領前鋒校內除本營應升外
若有可以應升外省者歸入

京城各該旗會同健銳營總統一例簡選○十五
年奉

旨從前降旨沿邊及直隸地方營協叅用八旗滿洲
人員原因旗員弓馬素優人材驍勁習於勞苦整

頓營伍是其所長是以令其分班補用今行之數
年邊方營伍漸次整飭而旗員之於外任相宜者
亦悉經擢用嗣後綠營分用旗員者自都司以上
應稍為裁減俾得其平兵部再行詳悉定議具奏
欽此遵

旨議奏直隸山西二省沿邊都司以上三七分用旗
員者酌減一分以六分補用旗員四分補用綠
旗陝甘二省四川松潘鎮都司以上五分之一

分用旗員者改為六分之一以第一次員闕補
用旗員第二三四五六次補用綠旗再有員闕
照此輪用奉

旨直隸山西沿邊地方都司以上員闕著以五分補
用旗員五分補用綠營官員欽此○又

諭朕前因綠旗營伍廢弛兵力軟弱皆由將弁不能
約束訓練所致是以分用旗員以資鈐轄邇來因
簡用過多業將游擊以下之闕量加酌減今觀侍

衛協領叅領內才具稍優者皆已陸續外用副叅等闕仍屬過多旗員內漸少出色之人而綠旗員闕亦未免稍偏朕因材器使內外原屬一體但隨時委用輕重務在合宜自應量為調劑且向來旗員內升者即藍翎侍衛亦皆以為榮初無欣羨外任之意若樂於外任可以偷安且多得俸薪則所見卑鄙已甚滿洲淳樸之風當不出此總之操縱在朕向之多用綠旗不可歎向隅今之簡用滿洲

不可歎阻途所有分關簡用之處該部再行定議
具奏欽此遵

旨議準直隸沿邊副將四員以三用綠旗一用旗員
山西沿邊叅將十有一員以七用綠旗四用旗
員直隸內地由部推補之副叅向於十關之內
將見任沿邊旗員調補三人以七歸部推補今
副叅員闕第一次員闕用沿邊旗員調補第二
三四五次歸部推補陝甘二省四川松潘鎮副

將等員闕原於五分之一補用旗員業經改為
六分之一今再酌減一分第一次員闕補用旗
員第二三四五六七次補用綠旗再有員闕照
此輪用至千總員闕除巡捕營馬蘭泰寧二鎮
仍照例以前鋒護軍補用外其陝甘松潘千總
員闕緊用綠旗停具以前鋒護軍補用○又議
準直隸張家口副將昌平營叅將提標右營遵
化營喜峰口宣化鎮標右營各游擊石塘路居

庸路鞏華城山永協左營山海路石門路建昌
路潘家口柴溝營懷安城龍門路滴水崖蔚州
西城長安嶺各都司提標中營前營黃花路湯
泉營山永協右營三屯協右營宣化鎮中營張
家口中軍張家口左營獨石口右營萬全營膳
房堡新河堡洗馬林堡西陽堡鎮安堡龍門所
東城礮山堡懷來城周四溝堡四海冶堡岔道
城左衛城各守備均以旗員補用○又議準山

西殺虎口副將新平路助馬路偏關營河堡營
各叅將大同鎮標中營右營各游擊天城高山
渾源忻州靖遠營朔平朔州鎮西保德各都司
大同鎮標中營左營右營前營北樓小石口應
州平魯寧武殺虎協右營各守備均以旗員補
用○十七年奏準俸滿到部之滿千總會同軍
機大臣簡選實堪升用之人引

見其不中選者發回該旗以守備候推惟是此項人

員因千總年滿回京簡選不堪外用令回原處
當差今若仍以守備推用不惟得官無期而以
不堪外用之人復推用守備似未允協嗣後滿
千總俸滿到部仍照原議會同軍機大臣考驗
有才技實堪升用者引

見恭候

欽定其中不中選者即咨回該旗當差不必歸班選用
遇有驍騎校護軍校等員闕令該管大員與應

升之人一例簡選酌量補用○十八年遵

旨議準直隸山西沿邊及陝甘松潘應用旗員之副
叅游都守員闕於用滿洲四人之後用蒙古一
人均照滿洲之例按翼按旗輪次咨取至應用
千總員闕於八旗蒙古所屬親軍前鋒護軍每
旗各保送四五人送部考驗簡選引

見記名亦埃滿洲補用四人之後掣補蒙古一人

又奏準鷹房狗房鷲房滿洲各執事人外用沿

邊千總之例停止○十九年奏準旗員外任副將已滿三年者一年一次調回於到齊之時由

部引

見所遺之闕將應用之侍衛等官調補○二十年

諭武職在部候選者本屬無多每遇外省奏請簡發

例須移取旗員一同簡選文移往返未免稽緩嗣

後該部行文各該管大員於應用叅將以下之侍

衛叅佐尉校等官每處豫送數人到部考驗引見

遇簡發時即與在部候選候補綠旗人員一同簡
選竣將次用完仍令再行豫送以免臨時稽候欽
此

一漢世爵外用

國初定漢官得世爵者不必注衛籍取具本籍文
結支派宗圖給與

勅書○雍正八年議準伯子男以副將用輕車都尉
以叅將用騎都尉又一雲騎尉以游擊用騎都

尉以都司用雲騎尉以守備用凡年及二十以上者該督撫咨送到部引

見或留京學習或分與督撫提鎮標下學習効力三年如果弓馬嫻熟諳練營伍該管大員出具考語具題按其品級以應得之官補用倘不用心學習行走懶惰該管大員奏請令其回籍如行止卑污題叅革退將應襲之人別請承襲

一武進士錄用順治三年題準一甲一名授叅

將二名授游擊三名授都司二甲均授守備三
甲均授署守備○十二年議準一甲一名起合
計百名止選授營職其餘選授衛職○康熙十
一年議準自一甲一名起前一半選授營職後
一半選授衛職○二十九年議準新中武進士
由部請

旨交領侍衛內大臣引

見選推侍衛○四十八年議準直省見任千把總年

滿千總中武進士者別立班次以營衛守備推
用○五十一年奉

旨考取武進士除選擢侍衛外其餘補叅將游擊守備
等官皆有整飭營伍之職未登仕前不知事宜仕後
安有裨益今歲武進士勿令回籍分發八旗交與護
軍統領令其學習騎射教以儀度如遇隨圍給與馬
匹錢糧每進士一名月給銀三兩有患病告假丁憂
終養等事照例給假其才力不及者題叅斥革優長

者不拘科分名次即行補用平常者三年滿日注册
悉令歸籍候選○雍正元年奉

旨武進士停止分發八旗學習○五年奉

旨一甲一名授為一等侍衛二名三名授為二等侍衛
二甲簡選十名授為三等侍衛三甲簡選十六名授
為藍翎侍衛嗣後永為定例○又奉

旨前科武進士大半授為侍衛餘皆得挨次選用今科
武進士朕恐其多選侍衛轉不能盡心學習所以簡

選侍衛者甚少但伊等一時未得錄用置之閑散殊為可惜今特廣為加恩將未選侍衛之滿洲蒙古進士授為藍翎侍衛交與領侍衛內大臣令其効力行走漢軍進士交與該旗以驍騎校補用其餘有人材可用者分發各省賞給千總俸著該督撫提鎮試看如果効力勤謹人材去得者著以守備題補○六年議準在部投供武進士由部奏請

欽點大臣會同本部秉公簡選將弓馬嫻熟人材可

觀者以營守備注冊平常者以衛守備注冊各照科分名次推用如弓馬生疎人材不及令回籍勤加學習果學習有成再赴部聽候簡選其未經投供之武進士陸續到部由部酌量人數多寡或一年二次或一年一次奏請會同簡選嗣後武進士每科恭候

欽選侍衛之後奏請會同簡選均以營衛分別注冊選用○乾隆元年議準到部之武進士奏請

欽點大臣簡選分為三等一等二等者以營守備用
三等以衛守備用如弓馬生疎令其回籍學習
嫻熟過簡選之時準再簡選其從前簡選注冊
以衛守備用之武進士再行考試亦定為一二
三等分別營衛注冊按從前簡選年月科分名
次推用如有較前弓馬生疎者仍令回籍學習
嫻熟再赴部考試一例簡選○五年奉

旨各省營兵鄉試中武舉者仍準食馬兵糧隨營差

操遇有千把總員闕與營兵一例較拔此見行之例也至已中武進士者除選擢侍衛外餘皆離營候選開除名糧此雖優待武進士之意但恐開糧之後衣食匱乏且離營日久漸疎技藝應酌量變通辦理嗣後營兵中武進士有情願回營効力者準仍食馬兵糧隨營差操遇有著事處一體酌量委署○又奏準注冊營用之漢武進士有情願隨營學習者在部具呈考驗分發有題闕之省分

學習試用在籍者於督撫衙門具呈考驗咨發
有題闕之鄰省學習試用該督撫收入標下給
與經制馬兵糧報部注册定以五年為滿果弓
馬嫻熟諳練營伍遇有守備應題補者察其人
地相宜即行題補如學習未滿五年已屆銓選
之期仍照原班挨次銓選其弓馬次等者該督
撫造冊送部銓選倘弓馬庸劣怠惰廢弛令回
本籍報部注册毋庸銓選至漢軍武進士有情

願隨標學習者分發巡捕營直隸馬蘭鎮泰寧
鎮學習其給與馬兵糧及分別優劣錄用均照
漢武進士之例行○十五年奏準簡選三等以
衛守備用之武進士及充補提塘之三等武進
士再加簡選分別等次一二等者以營用三等
者仍以衛用如復行考驗有較前弓馬生疎者
均令回籍學習嫻熟再赴部考驗簡選
一武舉錄用雍正七年議準武舉會試落第具

呈情願隨營差操者由部咨回本省分發各標
協營効力該督撫提鎮等給與經制馬兵糧與
外委千把一例差操如偷安規避咨部除糧內
有已經簡選衛所千總年分已深選期將近者
行文該省給咨赴部仍歸本班選用年分較淺
選期尚遠者効力三年期滿如果材技優嫻曉
習營伍該督撫提鎮等保送到部考驗分發鄰
近省分以營千總拔補分發之後將簡選注銷

不得復歸本班銓選至未經簡選者効力三年
期滿如果材技優嫻曉習營伍該督撫提鎮等
保送到部考驗分發鄰近省分以把總拔補此
等應拔千把之武舉到標後與營中應拔千把
者秉公較量一例簡拔若繫由營兵中式之武
舉在本省隨營差操者保送到部後仍發回本
省止迴避本營其餘各營準其拔補○乾隆十
八年覆準武舉會試不中具呈分發隨營差操

者向未定以額數今酌定直隸陝甘各分發三十名山西南福建各分發二十名河南浙江湖廣四川雲南各分發十五名山東江西廣東廣西貴州各分發十名均令該督撫提鎮酌量營分就近發往隨營差操

一功加錄用原定經制千把總及外委千把總無職任効用官因功加至都督等銜並副將署副將銜者以游擊用加至叅將署叅將游擊署

游擊銜者以都司用加至都司署都司守備署
守備銜者以守備用○康熙十一年題準功加
各官咨部選用時原領功劄令本人赴部親繳
如不將原劄親繳者不準引

見注冊○二十四年題準功加應用游擊都司守備
等官有因人多壅滯願降補千總把總者準其
降補○雍正三年覆準功加應用都司者準以
都司守備兼用○又議準功加應用游擊都司

者以雙月推用應用守備者單月雙月皆立一

班推用

班次見
月選

○又議準外委千把及無職任

効用官內有因功加至都司等銜以下署守備
銜以上者該督撫提鎮會同考驗分為三等其
人材超羣技藝純熟者為一等或曾經血戰帶
有傷痕者亦列為一等保題送部引

見將加都督等銜副將署副將銜者以游擊用加叅
將署叅將游擊署游擊銜者以都司用守備加

都司署都司守備銜者以守備用其引

見候補之際或令在侍衛上行走或發巡捕營當差
或發回原營候推由部臨時請

旨其人材技藝雖不及保題之格尚屬可觀者為二
等造冊報部遇該省把總員闕與兵丁輪班以
三闕之一拔補功加如能盡力巡防技藝精進
許再行保題送部引

見仍以功加應得之官用平常者止照把總升轉若

技藝尚須學習營伍尚未諳練者為三等均留
營食糧如學習果能諳練堪以保題者亦許再
行保題送部引

見仍以功加應得之官用可以拔補把總者仍許咨
部拔補把總功加千總銜者該督撫提鎮考驗
將列為一等之人造冊送部與功加署守備銜
以上考驗二等者相間拔補把總餘均留營食
糧至功加之見任千把總有人材超羣技藝純

熟堪以保題者察不論俸保題送部引

見即以功加應得之官用人材技藝稍次者千總六年俸滿以守備補用仍帶功加銜把總止挨次

拔補千總人材技藝不堪錄用者咨部注冊○

又議準功加人員未得授職者該督撫提鎮收入標下効力給與糧餉即於額兵數內扣算如差操勤慎給以外委把總劄付率領兵丁巡防地方以觀後効若身倚功加差操懈怠及在地

方生事者小過酌量懲治大過報部斥革將功
劄注銷○十一年議準功加人員老病不能差
操者給守糧半分不扣小建朋銀月支餉銀五
錢或於建曠項下動支或於公項內動支該督
撫酌量辦理統於年終造冊報銷○乾隆十八
年遵

旨議準軍功議敘人員向按功加等次兼銜給劄推
升時照京俸一年作年半算今加銜既經刪除

以歸簡易凡軍功議敘之人毋庸給以虛銜將
功加等次入於劄內遇應升時均以一年作年
半較俸又守備有功加者向例原升游擊今按
次推升都司若與尋常守備一例升轉未為平
允嗣後都司員闕應盡守備有功加者先行升
用○十九年覆準兵丁初次立功者向來注冊
竝下次有功照把總例議敘按其等次遞算加
銜所有頂帶即照銜服用今既刪除加銜除在

標尋常操演不許照銜服用外至在軍營之時
若立有功績向例應給何項職銜者即照職銜
給與頂帶服用以示鼓勵於事竣回營之後除
功績僅得把總頂帶者該督撫提鎮照例拔補
外具有屢著功績加至千總頂帶以上者統令
陸續咨部由部引

見作何錄用候

旨遵行○又覆準向例千把總等加至署副將以上

者以游擊用加署游擊銜以上者都司守備兼
用加署守備銜以上者以守備用今既刪除加
銜所有功加等次即照此計算嗣後功加十等
以上者照加副將以上銜之例用功加六等以
上者照加署游擊以上銜之例用功加二等以
上者照加署守備以上銜之例用

一廕生改武雍正十二年議準廕生願改武職
者具呈吏部咨送到部考驗弓馬技藝將年力

精壯者引

見恭候

欽定選用侍衛外其餘或交巡捕營當差或交外省督撫提鎮隨營試用竝弓馬熟嫻營務通曉在巡捕營者由該統領引

見交部按品補用都司按人文到部先後補用守備衛千總於各班之末輪用一人守禦所千總歸入劄班內用在外省試用者該督撫提鎮按品

題補給咨赴部引

見恭候

欽定○又議準廕生改用武職者在京一品尚書等官在外總督將軍廕生均以都司銜管都司用在京二品侍郎等官在外巡撫提督廕生均以署都司銜管都司用在京三品副都御史等官在外總兵官布政使廕生均以守備銜管守備用按察使加一品銜副將廕生均以署守備銜

管守備用二品銜副將廕生以守禦所千總用
小銜副將廕生以衛千總用○乾隆十一年議
準廕生向有改補武職之例如將門之子未諳
文藝而弓馬熟習者具呈本部以武職補用○
十六年奏準改武廕生分發巡捕營者由該統

領引

見交部按品推用至分發外省試用者均由該督撫
按品題補原不歸部銓選但若遇該省並無題

補之闕則錄用無階嗣後各省學習期滿之廕生如無闕可以題補者該督撫提鎮給咨送部

引

見恭候

欽定如蒙準其補用照巡捕營改武廕生之例歸班

銓選

一難廕守備雍正十一年議準難廕應用守備人員赴部候選時考試弓馬技藝引

見應以營衛守備補用之處恭候

欽定如以營用者入於雙月劄班內與澎臺俸滿千
總相間補用以衛用者入於衛守備劄班內補
用

一提塘錄用康熙六十一年議準各省提塘員
闕限部文到日該督撫即行簡選合例人員送
部頂補如不速行簡選將督撫題叅照遲延事
件例議處如簡選之人領文不即赴部在路逗

遛者亦照赴部違限例議處○雍正六年議準
各省提塘令該督撫於本省武進士及候補候
選守備內簡選家道殷實小心謹慎之人取其
地方官印結申送考驗咨部頂補三年期滿如
果勤勞無過由部注冊照本班即用怠惰偷安
貽誤塘務者將該提塘斥革如將應密事件豫
通信息及恐嚇詐騙交刑部治罪其出結申送
之該地方官照濫舉匪人例議處督撫照失察

例議處○乾隆五年奏準各省提塘將屆期滿於十月以前即行文該督撫豫行簡選合例人員按照定限送部頂補○六年奏準武進士充補提塘三年期滿歸於効力班下按年滿日期科分名次推用但分別營衛之條尚未畫一有未經簡選至充補提塘期滿即照中式名次前一半以營用後一半以衛用者有已經簡選即按簡選等次定其營衛推用者按提塘既由武

進士充補期滿之後與武進士同一推用守備
其分別營衛之處應照武進士簡選之例畫一
辦理嗣後武進士充補提塘三年期滿如有未
經簡選者不準歸班由部照例簡選分別一二
三等以營衛推用均歸入効力班下仍按期滿
先後科分名次擢用

一材官錄用原定本部額設材官四十名武舉
有情願効力者具呈充補飛遞馬上公文本報

○雍正十二年議準額設材官四十名內裁汰二十名○乾隆五年議準材官二十名於武舉內取用三年期滿由部考驗弓馬一等等者引


見恭候

欽定以營衛守備分別補用次等者以守禦所千總注册候推其弓馬生疎人材不及者停其推用仍令學習下次再行考驗三次不到者除名○

七年奏準簡選一二等武進士情願充材官効

勞者照武舉一例當差三年期滿歸入効勞班
選用如武進士武舉同日期滿令其掣籤選用
如武進士內同日期滿照從前簡選年分等第

名次選用



欽定大清會典則例卷一百五